



TRANSPARENCY INTERNATIONAL

Bosna i Hercegovina

**GODIŠNJI IZVJEŠTAJ
2022.**



© **TRANSPARENCY INTERNATIONAL U BOSNI I HERCEGOVINI**

Banja Luka

Krfska 64a

78000 Banja Luka

Sarajevo

Mula Mustafe Bašeskije 9

71000 Sarajevo

www.ti-bih.org

4 STRATEŠKI CILJEVI TRANSPARENCY INTERNATIONAL DO 2030. GODINE

6 PREGLED GODINE

8 UVOD

10 1. ZAŠTITA JAVNIH RESURSA

10 1.1. JAVNO UGOVARANJE OTVORENO, KONKURENTNO I TRANSPARENTNO

11 1.2. SMANJITI PROSTOR ZA ZLOUPOTREBE U JAVNOM SEKTORU

13 1.3. STVARATI PREDUSLOVE DA POSLOVNI SEKTOR POSLUJE NA PRINCIPIMA INTEGRITETA

16 2. OBEZBJEĐIVANJE INTEGRITETA U POLITICI

16 2.1. FER I POŠTENI IZBORI

20 2.2. IMENOVANJA/ZAPOŠLJAVANJA I VRŠENJE JAVNE FUNKCIJE U JAVNOM SEKTORU OSLOBOĐENA OD NEPRIMJERENOG UTICAJA

24 2.3. RAVNOPRAVAN PRISTUP SVIH LEGITIMNIH AKTERA PROCESU DONOŠENJA ODLUKA

26 3. PROVEDBA ZAKONA I SANKCIONISANJE

26 3.1. INSTITUCIJE ZA PROVOĐENJE ZAKONA SU NEZAVISNE I IMAJU KAPACITETE I VOLJU DA DJELUJU

26 3.2. PRAVOSUĐE JE NEZAVISNO I IMA KAPACITET I VOLJU DA DJELUJE

28 3.3. ZAKONSKI OKVIR USKLAĐEN SA MEĐUNARODNIM STANDARDIMA U OBLASTI BORBE PROTIV KORUPCIJE

32 4. ODBRANA GRAĐANSKOG DRUŠTVA I PROMOVISANJE INTEGRITETA

32 4.1. PROMOVISANJE VRIJEDNOSTI ZASNOVANE NA INTEGRITETU

32 4.2. AKTIVISTI, ZVIŽDAČI I NOVINARI SU SLOBODNI, OSPOSOBLJENI I ZAŠTIĆENI DA DJELUJU PROTIV ZLOUPOTREBA

34 4.3. GRAĐANI SU OSNAŽENI DA ZAHTIJEVAJU ODGOVORNOST

35 4.4. NOVA GENERACIJA LIDERA OSNAŽENA DA DJELUJE PROTIV KORUPCIJE


38 5. DODATNI POKAZATELJI

38 TRANSPARENTNO.BA

38 PRISUSTVO TI BIH U MEDIJIMA

38 PODCAST PRETRES

**STRATEŠKI CILJEVI
TRANSPARENCY
INTERNATIONAL DO 2030.
GODINE**



PREGLED GODINE

- » TI BiH je u 2022. godini iskazao predanost praćenju svih relevantnih procesa, uključujući monitoring raspolaganja javnim resursima, procesa donošenja odluka, javnog ugovaranja, imenovanja, zapošljavanja, itd.
- » Snažan akcenat i dalje se polaže na **baze podataka** kao izvor informacija i osnov brobe porotiv korupcije. Postojeće baze podataka su ažurirane, te su u prethodnom periodu predstavljene i nove platforme.
- » **Opšti izbori** u Bosni i Hercegovini su predstavljali fokus terenskih aktivnosti organizacije te je kroz praćenje predizbornih aktivnosti, kroz terensko praćenje nosilaca funkcija, institucija, političkih stranaka i kandidata identifikovan veliki broj zloupotreba javnih resursa, pritiaka na birače, te nepravilnosti u izbornoj kampanji
- » TI BiH je nastavio insistirati na unapređenju ključnih antikorupcijskih mehanizama, ali se i dalje sve češće nalazio u poziciji da **sprečava usvajanje** štetnih zakonskih rješenja umjesto da predlaže poboljšanje postojećih ili usvajanje novih zakona koji predstavljaju

poboljšanje.

- » TI BiH je jedna od rijetkih NVO koja je zauzela jasan stavu u pogledu pravca **izborne reforme**, kao i nametnutih odluka od strane Visokog predstavnika.
- » Djelovanje Centra za pružanje pravne pomoći pokazuje trend povećanje broja predmeta što je znak za sve većeg prisustva korupcije u BiH.
- » Nastavljena je **podrška zviždačima** u postupcima koje pokreću i vode prema nadležnim sudovima s ciljem zaštite svojih prava.

» TI BiH je svojim djelovanjem omogućio pokretanje **istraga i optužnica** u vezi sa zlupotrebama u procesu imenovanja, korištenja javnih resursa i javnih nabavki.

» Nekoliko funkcionera **razriješeno zbog sukoba** interesa po prijavi TI BiH, a izrečene su sankcije za političke stranke po prijavi TI BiH u iznosu preko 115 hiljada KM.

UVOD

Transparency International u BiH (TI BiH) je u 2022. godini nastavio djelovati u skladu sa strateškim ciljevima organizacije, te su pored toga intenzivirana nastojanja i napori da se prošire kapaciteti i spektar djelovanja organizacije.

Iako su prethodni period obilježile blokade institucija, političke tenzije, te **predizborna kampanja i održavanje Opštih izbora**, što je podrazumijevalo izostanak usvajanja inicijativa koje je TI BiH zagovarao u prethodnom periodu, TI BiH je intenzivirao svoj angažman na praćenju svih relevantnih procesa, uključujući monitoring raspolaganja javnim resursima, procesa donošenja odluka, javnog ugovaranja, imenovanja, zapošljavanja, itd.

Postojeće **baze podataka** su ažurirane, te su u prethodnom periodu predstavljene i nove (Izbori2022, baza finansiranja udruženja i fondacija, baza sudske prakse).

Značajan fokus stavljen je upravo na praćenje **predizbornih aktivnosti**, kroz terensko praćenje nosilaca funkcija, institucija, političkih stranaka i kandidata, kako bi se identifikovale i prema nadležnim institucijama adresirale zloupotrebe javnih resursa, pritisci na birače, te nepravilnosti u izbornoj kampanji, ali i informisali birači o relevantnim pitanjima vezano za izborne

nepravilnosti i provođenje izbora.

Pored toga, bez obzira na blokade i otpor, TI BiH je nastavio insistirati na unapređenju **ključnih antikorupcijskih mehanizama**, nudeći konkretna rješenja, vršeći javni pritisak da se obezbijede kvalitetna rješenja, a često, nažalost, i djelovao na sprečavanju usvajanja štetnih zakonskih rješenja.

TI BiH je bio primoran djelovati i prema svim međunarodnim akterima i u pogledu štetnih odluka i pristupa u radu predstavnika međunarodne zajednice, te je jedna od rijetkih NVO koja je zauzela **jasan stavu u pogledu pravca izborne reforme**, kao i nametnutih odluka od strane Visokog predstavnika.

Trendovi povećanja broja predmeta po kojima TI BiH postupa u okviru Centra za pružanje pravne pomoći, te nepravilnosti identifikovanih kroz monitoring, nastavljeni su i tokom 2022. godine. U tom segmentu posebno se ističe **direktna podrška zviždačima** u postupcima koje pokreću i vode prema nadležnim sudovima s ciljem zaštite svojih prava.

Tokom prethodnog perioda, pokrenute su istrage i optužnice od strane nadležnih tužilaštava po prijavi koje je TI BiH podnio u vezi sa zloupotrebama u procesu imenovanja, korištenja javnih resursa i javnih nabavki, dok je nekoliko funkcionera razriješeno zbog sukoba interesa po prijavi TI BiH, a izrečene su sankcije za političke stranke po prijavi TI BiH u iznosu preko 115 hiljada KM.



**PORED NAPORA NA
POBOLJŠANJU POSTOJEĆIH
ILI USVAJANJU NOVIH
ZAKONA KOJI PREDSTAVLJAJU
POBOLJŠANJE, TI BIH SE SVE
ČEŠĆE NALAZIO U POZICIJI DA
SPREČAVA USVAJANJE ŠTETNIH
ZAKONSKIH RJEŠENJA**

1. ZAŠTITA JAVNIH RESURSA

1.1. JAVNO UGOVARANJE OTVORENO, KONKURENTNO I TRANSPARENTNO

- Usvojen je Zakon o izmjenama i dopunama **Zakona o javnim nabavkama**, na čijoj je izradi radio TI BiH, te slao prijedloge i komentare tokom parlamentarne procedure na isti. Iako je TI BiH iznio javne kritike na konačnu tekst usvojenog zakona, zbog izostavljenih značajnih odredbi, dio prijedloga TI BiH se ipak na kraju našao u usvojenom tekstu.
- Usvojen set podzakonskih akata na Odboru Agencije za javne nabavke, sa usvojenim prijedlozima od strane TI BiH
- TI BiH je, zajedno sa partnerskim organizacijama, pratio preko **5.000 postupaka javnih nabavki** kroz platformu pratimotendere.ba
- Promovisana je studija „Unapređenje odgovornosti i transparentnosti javnih nabavki u zdravstvenim sistemima Bosne i Hercegovine: Pilot studija Kantona Sarajevo i Tuzla“
- U martu je održan okrugli sto na temu trenutnog stanja i izazova u sistemu **koncesija** u BiH, kome su prisustvovali predstavnici nadležnih ministarstava,

komisija za koncesije, revizorskih institucija i organizacija civilnog društva, aktivnih na polju praćenja dodjele i realizacije ugovora o koncesijama u BiH.

- Pokrenuta je izrada online **registra koncesija u BiH** sa osnovnim podacima o koncesijama čime će se postići povećanje transparentnosti planiranih i koncesija u toku

Sve nepravilnosti uočene tokom monitoringa javnih nabavki prosljeđene su nadležnim institucijama (88 prijava), kako bi se osiguralo da prijavljene nepravilnosti budu sankcionisane.

Na osnovu prijave TI BiH u aprilu AJN prosljediła Tužilaštvu BiH dokumentaciju o **nabavci vozačkih dozvola vrijednoj 800.000 KM** protiv odgovornih lica u IDDEEA, jer su naveli hitnost za nabavku 200.000 obrazaca iako je osnovni ugovor trajao 10 godina.

Istog mjeseca je, nakon postupanja prema Zavodu zdravstvenog osiguranja i reosiguranja FBiH i Federalnom ministarstvu zdravstva izmijenjen Pravilnik o uslovima u pogledu prostora, kadra i medicinsko-tehničke opreme za osnivanje i organizaciju rada u zdravstvenim ustanovama koje obavljaju djelatnost dijalize (Pravilnik za nabavku dijalizatora) budući da se zbog nedostataka u ovom

propisu od 2016. nije okončao ni jedan postupak javne nabavke za dijalizatore, a od 2019. institucije čak i ne sprovode postupke.

Takođe, podnesena je i krivična protiv odgovornih u Federalnoj upravi civilne zaštite zbog nabavki termalnih kamera, višekratnih zaštitnih odijela, kreveta za karantin za vrijeme pandemije koje su plaćene, a nisu nikad isporučene.

S obzirom na to da od kraja prošle godine TI BiH ne uspijeva dobiti pristup ugovoru o nabavci vakcina protiv COVID-19 vrijednom 12,5 miliona maraka koji je sa kineskim kompanijama Biotec Grupe i Sinopharm potpisao Zavod za javno zdravstvo Federacije BiH, tražena je reakciju Upravne inspekcije.

Tokom marta TI BiH je prijavio Svjetskoj banci **nabavku sanitetskih vozila** po hitnom projektu covid-19 koje je Ministarstvo zdravlja i socijalne zaštite RS izuzelo od ZJN budući da su sredstva obezbijeđena iz Mehanizma Svjetske banke za brzo djelovanje protiv covid-19. Uvezeno je 15 vozila po 31.713,93 KM, a Ministarstvo je nabavilo 15 vozila u vrijednosti od po 106.797,02 KM sa PDV-om.

Kada je riječ o monitoringu u oblasti koncesija, a na osnovu istog u julu su objavljeni podaci o Solarnoj elektrani Trebinje 1, te načinima i uslovima pod kojima je mađarski investitor uveden u koncesiju.

Takođe, u oktobru je podnesena krivična prijava protiv odgovornih u Ministarstvu privrede SBK i Ministarstvu finansija SBK jer su nevršeći svoje službene dužnosti pribavili korist deset različitih pravnih lica, na način da nisu pokretali postupke naplate sumnjivih i spornih potraživanja od ovih koncesionara iako su upozoravani od drugih nadležnih institucija.

TI BiH je dobio sudski spor protiv Ministarstva saobraćaja i veza Republike Srpske koje je nezakonito skrivalo ugovor o koncesiji za izgradnju auto puta Banja Luka – Prijedor.

Takođe, TI BiH je podnio **krivičnu prijavu** protiv ministra transporta i komunikacija BiH Vojina Mitrovića, zbog nezakonitog donošenja novog Pravilnika o registraciji vozila kojim se otvara mogućnost da se značajni prihodi koje naplaćuje država ubuduće usmjere privatnom preduzeću.

1.2. SMANJITI PROSTOR ZA ZLOUPOTREBE U JAVNOM SEKTORU

Na osnovu identifikovanih slučajeva potencijalnog sukoba interesa u Registru nosilaca javnih funkcija i slučajeva prijavljenih Centru za pružanje pravne pomoći, TI BiH je prosljedio **15 prijava relevantnim komisijama za sukob interesa i drugim nadležnim institucijama.**

Po osnovu TI BiH prijava, Centralna izborna komisija Bosne i Hercegovine oduzela je mandat vijećniku u Općinskom vijeću Velika Kladuša Aladinu Čerimoviću, koji je



ujedno i savjetnik predsjednika Vlade Unsko-sanskog kantona.

Osim toga, nalazi se u direktnom sukobu interesa po još dva osnova: kao predsjednik Konjičkog kluba "Krajišnik" iz Velike Kladuše, koji se finansira iz općinskih i budžetskih sredstava Unsko-sanskog kantona i kao član Nadzornog odbora JKUP Komunikacije iz Velike Kladuše.

Na osnovu izvještaja TI BiH Goran Obradović, koji je ujedno obavljao funkciju izabranog poslanika u Skupštini grada Čajniča i službenika u opštinskoj upravi, vratio je mandat.

Na osnovu TI BiH prijave, Ministarstvo za kulturu, sport i mlade TK pokrenulo je disciplinski postupak protiv Amele Mehmedović, koja je istovremeno obavljala funkciju opštinskog vijećnika i pomoćnika ministra u Vladi Tuzlanskog kantona.

Usvojene su dvije žalbe TI BiH na odluku Republičke komisije za sprečavanje sukoba interesa RS, a na osnovu jedne od odluka Komisija za odlučivanje o sukobu interesa u ponovnom postupku je utvrdila da je

bivši odbornik u Prnjavoru Bogoljub Saničanin bio u sukobu interesa dok je obavljao funkciju predsjednika opštinske Boračke organizacije koja se finansirala iz budžeta.

TI BiH je podnio i prijavu Komisiji za odlučivanje o sukobu interesa protiv člana Predsjedništva BiH Milorada Dodika jer firme u vlasništvu njegove porodice posluju sa državom i primaju značajne podsticaje iz budžeta.

S ciljem povećanja transparentnosti javnog sektora i podsticanja javnosti da zahtijeva i dobije pristup podacima i informacijama od javnog značaja TI BiH je izradio posebnu bazu podataka presuda vezanih za slobodu pristupa informacijama.

Dodatno, u junu su, a prema postupanju TI BiH, Ombudsmeni donijeli bitnu Preporuku kojom su naložili Upravnoj inspekciji RS da konačno počne postupati po prijavama za kršenje ZOSPI-ja.

1.3. STVARATI PREDUSLOVE DA POSLOVNI SEKTOR POSLUJE NA PRINCIPIMA INTEGRITETA

Promovisano je opsežno istraživanje o mehanizmima integriteta i prevenciji korupcije u poslovnom sektoru, na uzorku od preko 100 predstavnika privatnog sektora.

U septembru 2022. je organizovan Forum poslovnog integriteta, koji je okupio predstavnike poslovnih subjekata u BiH koji teže najvišim antikorupcijskim i etičkim standardima u poslovnoj praksi.

Održano je 10 regionalnih obuka u Republici Srpskoj za provođenje Zakona o zaštiti lica koja prijavljuju

korupciju u obrazovno-vaspitnim i zdravstvenom sektoru, tokom kojih je najmanje 80 predstavnika javnih organa upoznato na koji način da stvore uslove za bezbjedno prijavljivanje korupcije, efikasno postupe po prijavi korupcije, i obezbijede zaštitu lica koja prijavljuju korupciju.

Pripremljena i objavljena analiza zakonskog okvira koji reguliše pitanje stvarnog vlasništva u BiH. Rezultati analize i preporuke proizašle iz analize će poslužiti za daljnje zagovaračke aktivnosti vezane za uspostavu jedinstvenog registra stvarnog vlasništva u BiH, u skladu sa međunarodnim standardima.



Milorad Dodik, tadašnji član Predsjedništva BiH, kog je TI BiH prijavio zbog sukoba interesa jer firme u vlasništvu njegove porodice posluju sa državom i primaju značajne podsticaje iz budžeta.

“

AJN JE NA OSNOVU PRIJAVE TI
BIH PROSLIJEDILA TUŽILAŠTVU
DOKUMENTACIJU OKO
NABAVKE VOZAČKIH DOZVOLA
VRIJEDNE **800.000 KM** PROTIV
ODGOVORNIH LICA U IDDEEA
KOJI SU NABAVKU 200.000
OBRAZACA VIŠKA PRAVDALI
HITNOŠĆU, IAKO JE OSNOVNI
UGOVOR TRAJAO 10 GODINA

PASOŠ
ПАСОШ
PUTOVNICA
PASSPORT

BOŠNIA I HERZEGOVINA
BOSNIA AND HERZEGOVINA



2. OBEZBJEĐIVANJE INTEGRITETA U POLITICI

2.1. FER I POŠTENI IZBORI

- TI BiH je angažovao 74 posmatrača koji su tri mjeseca prije Opštih izbora 2022 vršili praćenje institucija i obrazaca ponašanja političkih kandidata i zvaničnika prije i tokom izborne kampanje, sa ciljem da uoče i dokumentuju korišćenje javnih sredstava i pozicija na vlasti u svrhu izborne promocije. Evidentirano je oko **2265 potencijalnih zloupotreba**, od kojih 1137 javnih radova od kojih je najveći broj onih koji su završeni ili započeti pred same izbore, 364 primjera raspodjela subvencija i pomoći, 109

primjera podjele poklona ili drugih vidova pomoći stanovništvu od strane partija i 84 nuđenja posebnih pogodnosti i snižavanja cijena javnih usluga u periodu praćenja. Evidentirano je **3550 reklama na bilbordima** i posjećeno **587 predizbornih skupova**.

- Unapređena je mobilna aplikacija Reflektor koja je omogućila građanima prijavu različitih oblika nepravilnosti, a bilježi više od 600 različitih prijava.
- Razvijene interaktivne mape za praćenje zloupotreba izbora (transparentno.ba) Izbori22 i pregled troškova vanjskog oglašavanja (Bilbordi).
- Proveden je media monitoring izborne kampanje 15 političkih partija, odnosno praćenje oglašavanja i troškova oglašavanja političkih partija, a s ciljem utvrđivanja odgovornosti i

transparentnosti pri utrošku sredstava partija u svrhu izborne kampanje

- Tokom septembra TI BiH i BiRN su organizovali debate u Banjaluci i Sarajevu pod nazivom **"(ANTI)KORUPCIJA U FOKUSU"**, a na kojoj su predstavnici političkih stranaka imali priliku iznijeti mjere i aktivnosti predviđene svojim programima, a koje se odnose na borbu protiv korupcije, vladavinu prava i neophodne reforme za sprečavanje korupcije.
- Provedeno je **šest obuka za 130 državnih službenika** zaposlenih u institucijama koje nadgledaju trošenje javnih sredstava ili u institucijama zaduženim za raspodjelu javnih sredstava o njihovim pravima i odgovornostima u pogledu sprečavanja zloupotrebe javnih resursa u izborne svrhe.

TI BiH je tokom monitoringa Opštih izbora 2022 redovno izvještavao CIK i druge relevantne institucije o potencijalnim kršenjima zakona, te je tako uputio 79 prijava za 165 uočenih nepravilnosti.

TI BiH je upućivao prijave po raznim osnovama, od kojih se najveći broj odnosi na preuranjenu kampanju, zloupotrebu javnih resursa i kršenje izborne tišine, a pored toga prijavljivana je i trgovina mjestima u biračkim odborima, neregularnosti u biračkim spiskovima, zabranjeno plakatiranje, govor mržnje, povreda tajnosti glasanja, nepravilno brojanje


glasova, itd...

Iako još uvijek nije odlučeno po svim prijavama koje su dostavljene nadležnim tijelima, CIK je do sada po prijavama TI BiH izrekao kazne u iznosu od 116.100 KM po raznim osnovama, uklonjeni su nedozvoljeni plakati na nekoliko lokacija, te su dvije prijave prosljeđene nadležnim tužilaštvima. Zbog trgovine biračkim odborima CIK je izrekao zabranu angažovanja za rad na biračkom mjestu i rad u izbornoj komisiji 4 godine za četiri lica.

U aprilu je TI BiH podnio prijavu CIK-u protiv SDA i HDZ zbog kršenja **Zakon o finansiranju političkih stranaka**.

Na osnovu prijave TI BiH tokom kampanje za Lokalne izbore 2020, u aprilu ove godine Federalna uprava policije podnijela je izvještaj Kantonalnom tužilaštvu Kantona 10 protiv načelnice opštine Drvar Dušice Runić zbog sumnje da je počinila krivično djelo zloupotrebe položaja ili ovlaštenja kod podjele donacija poljoprivrednicima.

TI BiH je u okviru monitoringa vršio stalnu koordinaciju sa Centralnom izbornom komisijom kako bi se osiguralo postupanje po prijavama, ali i sa posmatračkim misijama, uključujući i međunarodne misije, te su kao posljedica nalazi TI BiH inkorporirani u sve relevantne izvještaje.



MONITORING IZBORA 2022.

U SUSRET OPŠTIM IZBORIMA U BIH 2022. TI BIH JE POKRENUO PROCES TERENSKOG I MEDIJSKOG MONITORINGA PREDIZBORNIH AKTIVNOSTI POLITIČKIH SUBJEKATA U BOSNI I HERCEGOVINI U KOJI JE BILO UKLJUČENO PREKO 70 TERENSKIH POSMATRAČA ŠIROM BIH

3

MJESECA MONITORINGA PREDIZBORNIH AKTIVNOSTI

75+

TERENSKIH POSMATRAČA ŠIROM BOSNE I HERCEGOVINE

7.500+

KANDIDATA I 140+ POLITIČKIH SUBJEKATA PRAĆENIH TOKOM KAMPANJE

3.500+

EVIDENTIRANIH BIJBORDA POLITIČKOG OGLAŠAVANJA

2.200+

SLUČAJEVA ZLOUPOTREBE JAVNIH RESURSA U SVRHU POLITIČKE PROMOCIJE

313+

MILIONA KM EVIDENTIRANIH JEDNOKRATNIH DAVANJA GRADANIMA PRED IZBORE

Zagovaranje:

TI BiH je i tokom 2022. nastavio zagovaranje za unapređenje izbornog zakonodavstva, kroz promovisanje prijedloga u okviru konsultacija sa međunarodnim i lokalnim akterima, te praćenje procesa pregovora u vezi sa izbornom reformom.

Takođe, TI BiH je analizirao i reagovao na nametnute izmjene Izbornog zakona i Ustava FBiH, a tim povodom je učestvovao na seriji zagovaračkih sastanaka prema međunarodnim institucijama, uključujući i članove Evropskog parlamenta.

Osim toga, TI BiH je uspio uticati na izmjene podzakonskih akata Centralne izborne komisije, koje direktno utiču na unapređenje transparentnosti finansiranja političkih stranaka, odnosno pružaju bolji uvid u troškove stranaka, posebno kada je riječ o izornoj kampanji.

2.2. IMENOVANJA/ZAPOŠLJAVANJA I VRŠENJE JAVNE FUNKCIJE U JAVNOM SEKTORU OSLOBOĐENA OD NEPRIMJERENOG UTICAJA

Nastavljen je ažuriranje trenutno dostupnih baza na osnovu zahtjeva za slobodan pristup informacijama upućenih ka javnim organima na svim nivoima BiH, pretragom zvaničnih internet stranica i baza podataka.

- Baza javnih preduzeća sadrži najvažnije podatke o poslovanju, dobiti, gubicima,

broju zaposlenih i raznim diskrecionim troškovima u javnim preduzećima. Trenutno sadrži informacije o **528 javnih preduzeća** (uključujući i preduzeća u stečaju i koja su u međuvremenu privatizovana). Za potrebe ažuriranja baze prosljeđeno je 431 zahtjev za slobodnim pristupom informacijama.

- Objavljena je i analiza o poslovanju Željeznica
- Baza javnih ustanova, sadrži informacije o sastavu upravljačkih tijela, platama direktora i članova uprave i nadzornog odbora, budžeti, itd. U februaru su objavljeni podaci o **1.700 javnih ustanova**
- Baza praćenja raspodjele javnih sredstava udruženjima i fondacijama u Bosni i Hercegovini obuhvata informacije o iznosima, kriterijuma i krajnjim korisnicima javnih sredstava za finansiranje rada udruženja



građana i fondacija u BiH. Baza sadrži **14.858 grantova** i 7.637 registrovanih udruženja koja su u 2019. i 2020. od organa vlasti na svim nivoima dobijala sredstva u ukupnom iznosu od preko 121 milion KM. Tokom oktobra prosljeđeno je novih 198 zahtjeva, a u cilju ažuriranja podataka.

- Registar nosilaca javnih funkcija sadrži informacije o mandatima više od **4000 izabranih i imenovanih funkcionera** na svim nivoima vlasti u BiH, kao i podatke o više od 7000 članova upravljačkih struktura u javnim preduzećima i javnim ustanovama.

Centar za pružanje pravne pomoći postupao je po brojnim prijavama i primjerima nepravilnosti u procesu zapošljavanja i imenovanja. Tako je, na primjer, Upravna inspekcija RS po prijavi TI BiH utvrdila da je **Branislav Zeljković**, bivši direktor Instituta za javno zdravstvo RS nezakonito zaposlen na mjesto stručnog savjetnika u Republičkoj upravi civilne zaštite RS, te naložila rukovodiocu Republičke uprave da sa istim prekine ugovora o radu. Zbog nepoštovanja naloga upravnih inspektora protiv rukovodioca je pokrenut prekršajni postupak, a potom i krivični postupak od strane nadležnog tužilaštva.

Na isti način, takođe po prijavi TI BiH, Upravna inspekcija RS utvrdila je da v.d. zamjenika direktora Republičke uprave civilne zaštite RS **Nenad Ćuk** ne ispunjava uslove da bude na toj poziciji, jer je po struci diplomirani ekonomista.

Upravna inspekcija je utvrdila da je Vlada RS Nenada Ćuka više od tri puta imenovala na ovu dužnost na period od 90 dana čime je prekršen Zakon o državnim službenicima. U obavještenju inspekcije koje je dostavljeno TI BiH-u navodi se da je inspekcija obavijestila Vladu RS o utvrđenim nepravilnostima i pozvala je da postupi po zakonu, odnosno razriješi i Nenada Ćuka s ove funkcije.

TI BiH je uspostavio i direktnu saradnju sa različitim institucijama i ustanovama kako bi unaprijedile svoje interne procedure kada je riječ o zapošljavanju.

Tako su, na primjer, održane **obuke** za više od 150 predstavnika zdravstvenih ustanova iz oblasti zapošljavanja, javnih nabavki, sukoba interesa, upravljanja finansijama i transparentnih lista čekanja

Zagovaranje

TI BiH je nastavio zagovarati za unapređenje zakonskog okvira koji reguliše sprečavanje sukoba interesa. Prijedlog Zakona koji je u ranijem periodu sačinio TI BiH, ponovo se našao na razmatranju u Parlamentarnoj skupštini BiH, te je usvojen na Predstavničkom domu, ali je u završnoj fazi oboren na Domu naroda. T



“

UPRAVNA INSPEKCIJA RS PO
PRIJAVI TI BIH UTVRDILA DA JE
BRANISLAV ZELJKOVIĆ, BIVŠI
DIREKTOR INSTITUTA ZA JAVNO
ZDRAVSTVO RS **NEZAKONITO**
ZAPOSLEN NA MJESTO
STRUČNOG SAVJETNIKA U
REPUBLIČKOJ UPRAVI CIVILNE
ZAŠTITE RS, TE NALOŽILA
RUKOVODIOCU REPUBLIČKE
UPRAVE DA SA ISTIM **PREKINE**
UGOVOR O RADU

I BiH je reagovao i na pokušaje Ministarstva pravde BiH da kroz novi zakon derogira čak i postojeće mehanizme sprečavanja sukoba interesa, te je u okviru javne rasprave upućivao prijedloge i komentare, te djelovao ka sprečavanju usvajanja štetnih odredbi.

TI BiH je učestvovao i u javnoj raspravi u vezi sa **Zakonom o suzbijanju korupcije Kantona Sarajevo**, koji reguliše pitanja sukoba interesa i zaštite prijavitelaca korupcije, te iako konačna verzija nije u potpunosti zadovoljavajuća, neki od prijedloga TI BiH su inkorporirani nakon javne rasprave.

Nastavljeno je zagovaranje i za usvajanje Zakona o sukobu interesa na nivou FBiH, kroz javne događaje, inicijative prema nadležnim institucijama, međunarodnim organizacijama, te je TI BiH takođe upućivao prijedloge i komentare u toku javne rasprave koju je organizovao Parlament FBiH na prijedlog podnesen od strane dva zastupnika, a pored toga Vlada FBiH je konačno Parlamentu uputila Nacrt Zakona u čijoj izradi je prethodnih godina učestvovao i TI BiH.

2.3. RAVNOPRAVAN PRISTUP SVIH LEGITIMNIH AKTERA PROCESU DONOŠENJA ODLUKA

Unaprijeđen je sistem komunikacije jedinica lokalne samouprave i građana i omogućena i je dvosmjerna komunikacija, kroz implementaciju online platforme **POPULUS** (<https://projekatpopulus>).

ba/) koju je izradio TI BiH u saradnji sa partnerskim opštinama i gradovima.

Platforma je instalirana i počela sa radom u Brčko Distriktu, Bijeljini, Foči, Goraždu, Lukavcu i Novom Travniku. Unaprijeđeni su kapaciteti ovih JLS za bolju komunikaciju sa građanima kroz obuke koje su održane u ovim zajednicama. Lokalne zajednice putem platforme dijele informacije o njihovom radu i odlukama. Do sada su putem platforme građani uputili preko 20 inicijativa lokalnim vlastima.

Također, na platformi se objavljuju sve relevantne informacije vezane za sjednice lokalnih vijeća/skupština, kao i materijali za održavanje sjednica.

Pored toga, TI BiH je tokom prethodnog perioda promovisao platformu i kod drugih JLS. S tim u vezi održan je zajednički sastanak sa 10-ak JLS na kojima im je predstavljena kako platforma, tako i drugi alati za unapređenje integriteta JLS koje je TI BiH razvio u prethodnom periodu. TI BiH će nastaviti saradnju sa JLS sa ciljem unapređenja transparentnosti, odgovornosti i integriteta na lokalnom nivou.

Izrađena je i analiza o **integritetu političkih partija** koja obuhvata analizu pravnog okvira i statuta političkih partija o internom funkcionisanju političkih partija, mehanizmima integriteta, transparentnosti i odgovornosti.

Analiza je predstavljena na



konsultativnom sastanku sa ostalim relevantnima akterima kao početna osnova za daljnje zagovaračke aktivnosti u smjeru unapređenja zakona o političkim partijama, te drugih propisa, kao i rad sa samim strankama na unapređenju internih procedura.

Provedena je i promovisana analitička procjena stanja reforme javne uprave u BiH, koja pruža presjek aktuelnog stanja u pogledu procesa **reforme javne uprave u BiH**, uključujući proces razvoja strateškog okvira za RJU, sistema izvještavanja, kao i pogled na značaj ove reforme iz perspektive procesa EU integracija.

Na osnovu ove analize TI BiH je nastavio zagovaranje u smjeru funkcionalne revizije javne uprave.

3. PROVEDBA ZAKONA I SANKCIONISANJE

3.1. INSTITUCIJE ZA PROVOĐENJE ZAKONA SU NEZAVISNE I IMAJU KAPACITETE I VOLJU DA DJELUJU

Nastavljena je saradnja sa Agencijom za javne nabavke, kroz monitoring javnih nabavki, kao i sa Centralnom izbornom komisijom, a posebno je intenzivirana u vrijeme monitoringa koji je provodio TI BiH

Uspostavljena je saradnja sa vrhovnim revizorskim institucijama na svim nivoima u cilju provođenja aktivnosti koje se odnose na unapređenje mehanizama za sprečavanje upotrebe javnih resursa u izbornim kampanjama, kao i pronalaženju modaliteta za

uključivanje institucija nadležnih za nadzor nad trošenjem javnih sredstava.

Pored pružanja pravne podrške, TI BiH je tokom prethodnog perioda provodio istraživanje prema svim nivoima, uključujući i sve nadležne sudove, o broju, vrsti i trajanju postupaka u vezi sa zaštitom prijavitelaca korupcije.

Nastavljena je saradnja sa Centralnom izbornom komisijom, u smislu jačanja kapaciteta za provedbu zakona i kontrolu finansiranja političkih stranaka, kako kroz razmjenu informacija proisteklih iz monitoringa i istraživanja, tako i kroz podršku za izgradnju Vodiča za političke stranke o podnošenju finansijskih izvještaja, uzimajući obzir izmjene obrazaca i pravilnika. Tim povodom TI BiH je u saradnji sa CIK organizovao i obuku za preko 50 predstavnika 50 političkih stranaka o načinima i pravilima izvještavanja, te sprečavanju zloupotreba.

3.2. PRAVOSUĐE JE NEZAVISNO I IMA KAPACITET I VOLJU DA DJELUJE

Objavljen je redovni monitoring procesuiranja korupcije u BiH, koji od ove godine daje detaljne podatke o procesuiranju slučajeva visoke korupcije, prema kategorizaciji VSTV-a.

Podaci su ažurirani na jedinstvenoj inoviranoj interaktivnoj mapi procesuiranja korupcije u BiH i promovisani.

TI BiH u saradnji sa BIRN-om tokom cijele godine provodi aktivni monitoring procesuiranja korupcije, u okviru kojeg se prati preko 35 predmeta na Sudu BiH, Kantonalnom i Općinskom sudu u Sarajevu, kao i Osnovnom i Okružnom sudu u Banjaluci.

Uporedo s tim, provodi se analiza efikasnosti i postupanja pravosudnih institucija, te djeluje na osnovu uočenih nepravilnosti. U sklopu ovih aktivnosti, objavljena je i prva policy analiza Efikasnost pravosuđa: učestalost zakazivanja i održavanja suđenja

TI BiH provodi i aktivni monitoring disciplinskih postupaka koje vodi Ured disciplinskog tužioca pri VSTV-u. U prethodnom periodu praćeno je po svim fazama oko 20 disciplinskih postupaka koji se vode protiv tužilaca i sudija.

Rezultati monitoringa će poslužiti za kreiranje preporuka i pokretanje zagovaračkih aktivnosti za unapređenje mehanizama disciplinske odgovornosti.

Tokom prethodnog perioda TI BiH je razvio metodologiju mjerenja indeksa transparentnosti pravosudnih institucija. TI BiH je, u saradnji sa BIRN-om, prikupio podatke od svih pravosudnih institucija, te izradio analizu pod nazivom „**Analiza nivoa transparentnosti pravosudnih institucija u BiH**“.

Analiza je predstavljena na konferenciji u decembru u kojoj su učešće uzeli kako predstavnici pravosudnih institucija, tako i relevantni predstavnici drugih institucija sa svih nivoa vlasti.





TI BiH trenutno priprema i online bazu koja će pružiti detaljne informacije o nivou transparentnosti pojedinačnih pravosudnih institucija.

Urađena i na konsultativnom sastanku sa relevantnim institucijama predstavljena analiza problematike prilikom izdavanja uvjerenja o nekažnjavanju i uvjerenja o nevođenju krivičnog postupka prilikom zapošljavanja sa fokusom na njihovu zloupotrebu, nastala na osnovu predmeta Centra za pružanje pravne pomoći. Već pri početku identifikovane su i sa relevantnim institucijama podijeljene **preporuke za unapređenje sistema i obrazaca**, te je VSTV već započeo određene aktivnosti sa nadležnim ministarstvima.

TI BiH je tokom cijelog perioda aktivno pratio aktivnosti na izmjenama Zakona o VSTV-u, te je upućivao komentare Ministarstvu

pravde, ali i u okviru konsultacija sa Venecijanskom komisijom i drugim međunarodnim tijelima, uključujući i davanje preporuka u sklopu peer review mehanizama.

3.3. ZAKONSKI OKVIR USKLADEN SA MEĐUNARODNIM STANDARDIMA U OBLASTI BORBE PROTIV KORUPCIJE

Vlada Federacije BiH uputila je Parlamentu FBiH Prijedlog zakona o sukobu interesa, kao i Zakona o zaštiti uzbunjivača. Oba prijedloga pripremljena su u konsultacijama sa TI BiH.

TI BiH je u prethodnom periodu upućivao prijedloge i komentare na oko **15 nacrtā ili prijedloga zakona** relevantnih za prevenciju korupcije, Zakon o utvrđivanju porijekla imovine RS, izmjene i dopune Zakona o VSTV, Zakon o sprečavanju sukoba interesa BiH, Zakon o zaštiti

prijavilaca korupcije FBiH, Zakona o licima koja prijavljuju korupciju u institucijama BiH, Nacrt zakona o prevenciji i suzbijanju korupcije Kantona Sarajevo, Nacrt zakona o visokom obrazovanju Kantona Sarajevo, izmjene i dopune Zakona o javnim nabavkama BiH, Zakon o slobodnom pristupu informacijama BiH, itd.

Ažuriran je **AC Monitor**, platforma za praćenje unapređenja i primjene zakonskog okvira u oblasti borbe protiv korupcije, sa informacijama i presjekom napretka u provođenju ključnih antikorupcijskih reformi za 2021. godinu.

U junu je u Banjaluci organizovana **dvodnevna međunarodna konferencija** na temu evropskih integracija u svjetlu najnovijih dešavanja na posljednjem samitu u Briselu i novonastalih okolnosti u procesu pridruživanja zemalja regiona Evropskoj Uniji, koja je okupila međunarodne eksperte, bivše diplomate, donosiocē odluka iz BiH i okruženja, predstavnike akademske zajednice, civilnog društva i medija.

Ažuriran je presjek provedbe ključnih 14 prioriteta Evropske komisije, te je konstantno provođeno zagovaranje za ubrzanjem provedbe prioriteta i unapređenjem ključnih zakona za borbu protiv korupcije i vladavinu prava.

TI BiH nastavio sa pružanjem podrške radu **Savjetodavnog tijela Partnerstva za otvorenu vlast** (OGP) i kontinuirano zagovarao za usvajanje novog Akcionog plana, koji je usvojen od strane Vijeća ministara BiH.

Povodom obilježavanja Međunarodnog dana borbe protiv korupcije TI BiH je organizovao konferenciju „Prioriteti u borbi protiv korupcije u BiH“, na kojoj je predstavljena **Agenda dobrog upravljanja 2025**, odnosno preporuke TI BiH za pristup sistemskim izazovima upravljanja u Bosni i Hercegovini, kao i prioriteti za borbu protiv korupcije koji su postavljeni pred BiH u narednom mandatu.



**26. JUNA 2022. U BANJALUCI
JE ORGANIZOVANA DVODNEVNA
MEĐUNARODNA KONFERENCIJA
NA TEMU EVROPSKIH
INTEGRACIJA U SVJETLU “EU
I ZAPADNI BALKAN – IZMEĐU
NEPOVJERENJA I ZAJEDNIČKIH
INTERESA“**



UČESNICI:

MARIO VIGNJEVIĆ, SRĐAN BLAGOVIČANIN, PROF. DR TANJA MIŠČEVIĆ, DR NEVEN ANDJELIĆ, NEBOJŠA LAZAREVIĆ, DR ŠENADA ŠELO ŠABIĆ, PROF. DR JELENA DŽANKIĆ, DR AĐNAN HUSKIĆ, DR GORAN SVILANOVIĆ, DR MLADEN IVANIĆ, KORJI UDOVIČKI, VLADIMIR SUŠAK, EMIR ĐIKIĆ, PROF. DR TANJA MIŠČEVIĆ, DR JEJICA MINIC, DRAGANA ĐURICA, PROF. DR ZORAN STOILJKOVIĆ, DRAGO KOS, BRANKO PERIĆ, IVANA KORAJLIĆ, ALEKSANDRA TOMANIĆ, BOJANA JOVANOVIĆ, PROF. DR KATARINA PEOVIĆ, LEILA BIČAKČIĆ, MAJA SEVER, NEMANJA TODOROVIĆ ŠTIPLIJA, HRVOJE ZOVKO, PROF. DR DANIJELA MAJSTOROVIĆ

4. ODBRANA GRADANSKOG DRUŠTVA I PROMOVISANJE INTEGRITETA

4.1. PROMOVISANJE VRIJEDNOSTI ZASNOVANE NA INTEGRITETU

U septembru je TI BiH organizovao regionalni sastanak za razmjenu iskustava nadležnih tijela za provođenje zakona o sukobu interesa i kontrolu imovinskih kartona, koji je imao za cilj razmjenu iskustava u prepoznavanju, načinu sprečavanja i sankcionisanja sukoba interesa među zemljama regiona, ali istovremeno i priliku za kreiranje preporuka za unapređenje stanja u ovoj oblasti u BiH i jačanje kapaciteta nadležnih tijela u BiH

Održane su obuke za predstavnike javnih institucija u Zeničko-dobojskom kantonu o izradi i implementaciji planova integriteta

U saradnji sa portalom **Capital**, počelo je redovno objavljivanje podcast-a **Pretres** sa relevantnim sagovornicima o pitanjima borbe protiv korupcije, te značaju integriteta i odgovornosti u cilju adekvatne borbe protiv korupcije.

TI BiH započeo sa pripremom nove studije sistema nacionalnog integriteta (NIS) koja će biti objavljena tokom 2023. godine

Nastavljena je saradnja sa 15 javnih zdravstvenih ustanova u BiH na unapređenju internih politika iz oblasti javnih nabavki, sukoba interesa te su održane radionice za predstavnike ovih ustanova sa ciljem jačanja njihovih kapaciteta

Nastavljena je saradnja i sa antikorupcijskim tijelima kako bi se unaprijedila koordinacija nad uvođenjem i praćenjem primjene mehanizama integriteta

Kao član Savjetodavnog vijeća u okviru Partnerstva za otvorenu vlast, TI BiH je direktno zagovarao i učestvovao u izradi novog Akcionog plana, plana je usvojen na Vijeću ministara.

4.2. AKTIVISTI, ZVIŽDAČI I NOVINARI SU SLOBODNI, OSPOSOBLJENI I ZAŠTIĆENI DA DJELUJU PROTIV ZLOUPOTREBA

Tokom 2022 putem besplatne linije **0800 55555**. 1561 građana se obratilo Centru za pružanje pravne pomoći Centar je u tom periodu postupao u 302 predmeta, od kojih se najveći broj odnosi na državnu upravu, zatim na privatni sektor, pravosuđe, obrazovanje, zdravstvo, te ostale predmete koje je TI BiH pokretao na osnovu istraživanja i saznanja.

S ciljem promovisanja alata za prijavu korupcije prijavikorupciju.org, kao i dosadašnjih mehanizama prijave, TI BiH je u prvom kvartalu 2022. proveo opsežnu kampanju pod sloganom „Hrabrost je izbor“, putem online medija i društvenih mreža, sa glavnom porukom ohrabriranja

građana da prijave korupciju i potraže pravnu pomoć.

Nastavljena je pravna podrška zviždačima, gdje TI BiH trenutno pruža podršku u tri različita slučaja u postupcima koje vode pred nadležnim institucijama. TI BiH je u tom svojstvu aktivno učestvovao kao „umješač“ u postupku **Emira Mešića** za zaštitu od diskriminacije od UIO BiH TI BiH i prisustvovao na 5 ročišta pred Sudom Bosne i Hercegovine u parničnom postupku koji se po tužbi Emira Mešića, zaštićenog prijavitelja korupcije, vodio protiv UIO zbog diskriminacije.

U preostala dva slučaja TI BiH pruža pravnu podršku, te snosi takođe troškove advokata koji zastupaju prijaviocima korupcije.

Na isti način, TI BiH je nastavio pružati podršku medijima i novinarima, posebno kada je riječ o ostvarivanju prava na pristup informacijama, ali i u smislu zaštite slobode medija i slobode izražavanja.

TI BiH je organizovao radionicu na kojem je predstavio **Registar nosilaca javnih funkcija** kao alat za novinare i medije za njihova istraživanja i istraživačke priče, a kojoj su prisustvovali predstavnici 12 medijskih kuća.

Kao nastavak prethodno realizovanih aktivnosti u oblasti roda i korupcije, TI BiH je proveo edukaciju za medije i organizacije civilnog društva o sextortion-u, mehanizmima prijave i zaštite, gdje su učesnici imali prilike da čuju više o sekundarnoj viktimizaciji, zašto se mora obratiti pažnja na odnos prema žrtvama i kako izbjeći korištene etiketiranja.

Povodom Međunarodnog dana zviždača, TI BiH je organizovao konferenciju posvećenu problemima lica koja prijavljuju korupciju u Bosni i Hercegovini, gdje je prezentovana je i analiza Pregled zakonskih rješenja i prakse u oblasti zaštite prijavitelja korupcije – Srbija i BiH, te su predstavnicima parlamenata i drugih institucija predstavljeni prijedlozi za unapređenje zakona.



P11 Nebojša Đurić - Problem se ješava dok ne bude riješen

Broj prikaza: 3K · 4 months ago
YouTube › Pretres Podcast



EP08 Branko Perić - Sudija Suda Bosne i Hercegovine

Broj prikaza: 20.6K · 6 months ago
YouTube › Pretres Podcast



EP8 Trailer3 I

Broj prikaza: 3K · 6 months ago
YouTube › Pretres Podcast

4.3. GRADANI SU OSNAŽENI DA ZAHTIJEVAJU ODGOVORNOST

TI BiH je konstantno promovisao pravo na pristup informacijama, postupao je prema javnim organima i nadležnim sudovima s ciljem osiguranja ovog prava, te je u prethodnom periodu pokrenuto 25 upravni spor prema nadležnim sudovima protiv javnih organa zbog nepoštivanja odredbi zakona o slobodnom pristupu informacijama, te je pripremljeno 6 tužbi za stranke i medije.

U istom periodu TI BiH je dobio čak **29 sporova** koji su pokrenuti u ranijem periodu.

Povodom Međunarodnog dana slobode pristupa informacijama, TI BiH je predstavio jedinstvenu pretraživu **bazu sudske prakse** (<https://ti-bih.org/sudski-postupci/> i <https://ti-bih.org/sudske-odluke/>) sa preko 200 sudskih odluka i stavova sudova, kako bi svi zainteresovani mogli koristiti pri ostvarivanju

prava na pristup informacijama. Istim povodom predstavljen je redovni godišnji izvještaj o provedbi **zakona o slobodnom pristupu informacijama**, te je na konferenciji koja je organizovana ovim povodom TI BiH okupio relevantne institucije radi zagovaranja za unapređenje zakonskog okvira, prije svega u segmentu zaštite i proaktivne transparentnosti.

Pored toga, TI BiH je proveo uličnu izložbu **zanimljivih odgovora** zaprimljenih od strane institucija tokom prethodnih godina, na kojoj su predstavljeni eklatantni i kreativni primjeri izbjegavanja dostavljanja traženih informacija. Izložba je realizirana u tri grada: Sarajevo, Mostar i Banjaluka.

Implementirana jedinstvena online platforma populus u 6 JLS (Brčko, Bijeljina, Foča, Goražde, Novi

Travnik i Lukavac) koja omogućuje građanima alat za direktnu komunikaciju sa predstavnicima vlasti

4.4. NOVA GENERACIJA LIDERA OSNAŽENA DA DJELUJE PROTIV KORUPCIJE

U cilju jačanja kapaciteta u oblasti nadzora nad procesom javnih nabavki, TI BiH je organizovao programe obuke za 40 predstavnika organizacija civilnog društva i volontera koji rade na monitoringu javnih nabavki.

Kako bi se ojačali kapaciteti OCD u oblasti zagovaranja i javnih politika, izrađen sveobuhvatan priručnik za zagovaranje za organizacije civilnog društva, te je održan prvi u nizu planiranih treninga jačanja kapaciteta organizacija civilnog društva za zagovaranje.

Nastavljeno sa edukacijom i umrežavanjem mladih lidera kroz **TI BiH Školu integriteta**, završena treća i četvrta generacija, te pokrenuta peta generacija škole (ukupno 75 novih lidera koji su prošli kroz Školu)





“

TI BIH JE NASTAVIO SA
PODRŠKOM ZVIŽDAČIMA U
POSTUPCIMA KOJE VODE PRED
NADLEŽNIM INSTITUCIJAMA
TE SE POJAVIO U SVOJSTVU
„UMJEŠAČA“ U PRAVNOJ BORBI
KOJU **EMIR MEŠIĆ**, ZAŠTIĆENI
PRIJAVIOČ KORUPCIJE
VODI PROTIV UIO ZBOG
DISKRIMINACIJE

5. DODATNI POKAZATELJI

TRANSPARENTNO.BA

Na web stranici TI BiH tokom 10 mjeseci objavljeno je 65 objava, a na platformi [Transparentno.ba](https://transparentno.ba) objavljeno je 37 tekstova.

Portal Transparentno.ba nastavio je služiti kao svojevrsni glasnogovornik napora organizacije u djelovanju ka zaštiti javnih sredstava i borbi ka zaustavljanju zloupotreba, objavljujući aktuelne priče iz oblasti djelovanja TI BiH.

Veliki broj medija, urednika, istraživačkih novinara i zainteresovanih pojedinaca se oslanja na podatke, analize i informacije koje TI BiH plasira putem ovog kanala što se pokazuje kao izvanredan doprinos jačanju kapaciteta organizacije za širenje svijesti o štetnim uticajima korupcije i potrebi za djelovanjem u tom pravcu.

PRISUSTVO TI BIH U MEDIJIMA

TI BiH je nastavio djelovati u pravcu sve većeg prisustva u medijima, pozicionirajući se kao jedna od najlegitimnijih organizacija civilnog društva u javnom prostoru Bosne i Hercegovine.

Sve učestaliji pozivi za gostovanje u radio i TV emisijama kao i zahtjevi medijskih kuća za komentarima na

svakodnevna politička i društvena pitanja su pokazatelj sve većeg povjerenja koje javnost i mediji polažu u organizaciju prepoznajući je kao relevantan izvor informacija, podataka ali i tumačenja procesa koji se tiču šireg opsega borbe protiv korupcije.

Tokom 10 mjeseci, prema podacima media monitoringa, objavljene su ukupno 6.822 medijske objave koje se odnose na rad TI BiH u različitim sektorima i aspektima.

Od toga je 6209 na internet portalima i digitalnim medijima, 387 TV priloga i 226 članaka u štampanim medijima.

PODCAST PRETRES

Aprila 2022. emitovana je prva epizoda podcasta "Pretres" koji predstavlja najnoviji način komunikacije sa sve raznovrsnijom publikom u digitalnom dobu.

U saradnji sa portalom Capital u podcast ima za cilj pretresanje najvažnijih tema iz oblasti transparentnosti rada javne vlasti, borbe protiv korupcije, zaustavljanja zloupotreba, sukob interesa i mnogih negativnih pojava koje su svakodnevice u BH društvu danas.

Emitovano je 13 epizoda, sa ukupno 558,606 pregleda, 6257 sati gledanja epizoda na YouTube i Facebook kanalima.



IVANA KORAJLIĆ

SINIŠA VUKELIĆ

PREDRAG TOMIĆ

SRĐAN ŠUPUT

EMIR MEŠIĆ

DŽEVAD NEKIĆ

NADA VASILJEVIĆ

ZORAN STOJILJKOVIĆ

BRANKO PERIĆ

NEVEN ANĐELIĆ

DR IRENA HADŽIABDIĆ

DRAGO KOS

NEBOJŠA ĐURIĆ

Za podršku u ostvarenju predstavljenih rezultata zaslužni su **Embassy of Sweden in Sarajevo, United States Agency for International Development (USAID), Open Society Foundation in BiH, National Endowment for Democracy, European Union, Royal Netherlands Embassy in Sarajevo, Royal Norwegian Embassy in Sarajevo, Ministry of Foreign Affairs of Germany, International Foundation for Electoral Systems.**

© **TRANSPARENCY INTERNATIONAL U BOSNI I HERCEGOVINI**

Banja Luka

Krfska 64e

78000 Banja Luka

Sarajevo

Mula Mustafe Bašeskije 9

71000 Sarajevo

www.ti-bih.org



**TRANSPARENCY
INTERNATIONAL**

Bosna i Hercegovina